

UKIUMOORTUMIK NALUNAARUSIAQ 2020

Kalaallit Nunaanni Naatsorsueqqissaartarfik

Naatsorsueqqissaartarfik
Postboks 1025 · 3900 Nuuk
Oqar.: +299 34 57 70
www.stat.gl · e-mail: stat@stat.gl



Ukiumoortumik nalunaarusiaq 2020

Saqqummersitsisoq:
Naatsorsueqqissaartarfik

Uani pissarsiarineqarsinnaavoq:
www.stat.gl

Najugaq

Naatsorsueqqissaartarfik
Intaleeqqap Aqqutaa 1
Postboks 1025
3900 Nuuk
Oqar.: 34 57 70
Mail: stat@stat.gl
www.stat.gl
GLN 5790001952709
CVR 41587865

Ukiumoortumik nalunaarusiaq 2020

Siulequt

Kalaallit Nunaanni Naatsorsueqqissaartarfiup 2020-mut ukiumoortumik nalunaarusiaa saqqummiunneqarpoq. Naatsorsueqqissaartarfiup suliasai, tassunga ilanngullugit suliffeqarfiup inatsisitigut tunngavigisai aqutsinermilu pissutsit nalunaarusiami allaaserineqarput. Tamatuma saniatigut Naatsorsueqqissaartarfimmi 2020-mi kisitsisitigut paasisutissat suliarineqartut kiisalu suliffeqarfiup aningaasaqarnera, sulisullu pillugit takussutissat nalunaarusiap imarai.

Ukiumoortumik nalunaarusiamut atatillugu ingerlatsinermi pilersaarut siulersuisut akuerisimasaat ukiumut ataasiarluni nutarterlugu saqqummersinneqassaaq.

Covid-19 pissutaalluni saqqummersitassat allanngunngillat. Sipaarniarneq, matusinerit angallannermillu killilersuinerit pissutaallutik suliat ineriartortitat sivisunerusumik suliarineqarput.

2020-mi angusat ataatsimut isigalugit naammaginarput. Ukiut siuliinut sanilliullugu atuisunut pitsanngoriaatit arlaqartut ukiumoortumik nalunaarusiamut ilanngunneqarput. Saqqummersitat aamma kisitsisaataasivimmi tabelit amerlipput. Taakku saniatigut datat najoqqutarineqartut FN-imi pisortatigoortumik kisitsisitigut paasisutissionerni sulieruserineqartartut tunngavigalugit iluarsaaneqarput, taamatuttaaq aamma iliuuserineqartartut aamma periutsit suliarineqarput.

Vøgg Løwe Nielsen
Siulersuisunut siulittaasoq

1 Kalaallit Nunaanni Naatsorsueqqissaartarfiup suliassai aqunneqarneralu

Kalaallit Nunaanni Naatsorsueqqissaartarfik

Kalaallit Nunaanni Naatsorsueqqissaartarfik Kalaallit Nunaanni pisortatigoortumik naatsorsueqqissaarnernut qitiusumik oqartussaasuvoq. Naatsorsueqqissaartarfiup pingaarnertigut akisussaaffigineqarnera siulersuisunit isumagineqarpoq, taakkulu inuiaqatigiinni pissutsinik ilisimasaqartunik tallimanik ilaasorta qarput. Ulluinnarni aqutsisoqarneq naatsorsueqqissaartarfimmi pisortaasumit isumagineqarpoq, taassumalu suliffeqarfik avammut nittarsaattarpaa.

Aaqqissuussaanikkut inissisimaneq

Naatsorsueqqissaartarfik aaqqissuussaanikkut Aningaasaqarnermut Naalakkersuisoqarfiup ataaniippoq. Aningaasaqarnermut naalakkersuisoqarfiup Naatsorsueqqissaartarfimmi aningaasaqarneq sulisunullu atugassarititat pingaarnertut akisussaaffigivai. Atugassarititat naatsorsueqqissaarnernut tunngasut siulersuisut akisussaaffigivaat.

1.1 Siulersuisut suliassaat katitigaanerallu

Siulersuisut suliassaat

Siulersuisut suliassaat Inatsisartut inatsisaanni nr. 11, 29. oktober 1999-imeersumi takuneqarsinnaasut ukuupput:

- Kalaallit Nunaanni Naatsorsueqqissaartarfimmut pingaarnertut akisussaaffik isumagissallugu
- Kisitsisitigut paasissutissat tamaneersut katiternissaannut siunnersuuteqassallutik
- Kalaallit Nunaanni Naatsorsueqqissaartarfik anguniakkanut aalajangersakkat naapertorlugit sulinersoq nakkutigissallugu
- Suliniuteqarfigineqartunut piffissaq ungasinnerusoq isigalugu Kalaallit Nunaanni Naatsorsueqqissaartarfiup pilersaarusiornera akuerissallugu
- Kalaallit Nunaanni Naatsorsueqqissaartarfiup sulinissamut pilersaarutai akuerissallugit
- Ukiumut ataasiartumik suliffeqarfiup sulinera pillugu Naalakkersuisunut nalunaarummik tunniussaqaqartarnissaq

Siulersuisut katitigaanerat

Siulersuisut 2020-p naanerani ukuninnga inuttaqarput, taakku atuuffiisa atorunnaarnissaat ungaluusami nalunaarutigineqarpoq:

- Vøgg Løwe Nielsen, siusinnerusukkut Danmarks Statistik-imi allaffimmi pisortaasimasoq (juunip tallimaanni 2023)
- Tønnes Berthelsen, siusinnerusukkut KNAPK-mi pisortaqaq (juunip tallimaanni 2022)

- Kim Neumann Nielsen, Akileraartarnermut Aqutsisoqarfimmi pisortaq (juunip tallimaanni 2022)
- Paneeraq Noahsen, Nunatsinni nakorsaaneqarfimmi Inuiaqatigiit peqqissusaannut nakorsaaningorniaq (juunip tallimaanni 2023)
- MítdlâraK E. Lennert, Ilisimatusarfik (juunip tallimaanni 2021)

Kalaallit Nunaanni Naatsorsueqqissaartarfiup sulisui sinnerlugit Josef Kájangmat siulersuisuni 2020-mi ilaasortaatinneqarpoq.

Kalaallit Nunaanni Naatsorsueqqissaartarfimmut siulersuisut 2020-mi marloriarlutik ataatsimiipput. Nalinginnaasumik ukiumut pingasoriarluni ataatsimiittoqartaralarpoq. COVID-19 pissutaalluni allakkatigut nalunaarutiliortoqartarpoq aalajangiinerillu aamma allakkatigut ingerlapput. 2020-mi siulersuisut ukiumut suliarisartagaat tassaasut Ukiumoortumik nalunaarusiaq aamma Ingerlatsinerimut pilersaarut suliarineqarnera akuerineqarneralu sammineqarlutik aamma 2021-mi missingersuutit suliassanullu pilersaarutit immikkut sammineqarput..

2 Kalaallit Nunaanni Naatsorsueqqissaartarfimmi ukiup ingerlanera

2.1 Kisitsisitigut paasissutissiorneq

Immikkoortuni kisitsisitigut paasissutissat assigiinngitsut saqqummersinneqartut agguarnerat takussutissiamit ataaniittumit erserput. 2020-mi ukiullu siuliini Naatsorsueqqissaartarfiup saqqummersitai immikkoortiterluagaanerusunngorlugit takussutissiorneri nittartakkami www.stat.gl-mi takuneqarsinnaapput.

Takussutissiaq 1. 2019-imi 2020-milu saqqummersitat amerlassusivii aamma immikkoortut kisitsisitigut paasissutissanik suliaqarfiusut malillugit 2020-mi saqqummersitassatut pilersaarutaasut

	2019	2020	2021
Kalaallit Nunaanni kisitsisit	1	1	1
Aningaasaqarneq pillugu kisitsisitigut paasissutissat	42	51	55
Innuttaasut pillugit kisitsisitigut paasissutissat	29	27	28
Suliffeqarneq pillugu kisitsisitigut paasissutissat	40	41	43
Katillugit	112	120	127

Malugiuk: 2020-mi qaammammut saqqummersinneqartalersoq "Aalisakkat avammut tunisaanerat, saqqummersinneqartartussatut pilersaarutaanngikkalarpoq. Taakku saqqummersitassanut 2020-mi pilersaarutinut ilanngunneqarput.

2020-mi kisitsisitigut paasissutissanik suliaqarfiit immikkut maluginiaqqusat ataani allaaserineqarput.

Isertitat

Isertitat pillugit kisitsisitigut paasissutissat 2020-mi iluarsaatsingaatiarneqarput, kisitsisit iluarsaaneqartut tassaapput 2002-miit 2019-imoortut. Iluarsaassineri pingaarneri ukuupput:

- Pisortanit akileraarutitaqanngitsumik isertitanik nuussinerit annertunerusumik naatsorsuinernut ilanngunneqartalerput.
- Siornatigut inoqutigiit pillugit naatsorsuisarneq unitsillugu ilaqutariit pillugit naatsorsuisoqartalerpoq.
- Akileraartarnermi inatsit tunngavigalugu soraarnerussutisianut akiliisarnermut tunngasut iluarsaaneqarput.

Aalisarneq

2020-mi Naatsorsueqqissaartarfik nutaamik aalisarnermut tunngasunik kisitsisitigut paasissutissiorpoq. Kisitsisinik taakkunanik takuneqarsinnaapput avataasiorluni aalisarnermut aamma sinerissap qanittuani aalisarnermut pisat, aalisariutinut aamma aalisarfinnut immikkoortillugit.

Innuttaasut

Naatsorsueqqissaartarfik maanna CPR-imi datamik agguaasivimmut paasissutissanik kvartalikkaarlugit aallertalernikuvoq. Kisitsisitigut paasissutissat katissimasunik avissimasunillu ilaneqarput, kingusinnerusukkut aamma meeravissartaarnerit pillugit paasissutissanik pissarsiaqartalersinnaavoq.

Naatsorsueqqissaartarfimmit taaguut atorineqartoq *nuna inuuffik* annertusillugu suliarineqartalerpoq. Tassa inuup nammineq nuna inunngorfia, angajoqqaavisa inunngorfiat aamma aanaakkuisa/aataakkuisa inunngorfiat ilanngunneqartalerpat. Periuseq Norgemi Naatsorsueqqissaartarfiup suliai malillugit suliarineqarpoq, tassani paasiniarneqarluni Norgemut nuuttut taakkulu kinguaavi. Siusinnerusumi misissueriaatsimut naleqqiullugu periuseq taana atorlugu paasinarsineruvoq innuttaasut eqimattakkuutaartut qanoq isikkoqarneri.

Nunanik allanik niueqateqarneq

2020 aallarnerfigalugu Naatsorsueqqissaartarfik qaammatip siuliani kisitsisinik kisitsisaagallartunik “Aalisakkat avammut tunisaanerat” saqqummersitsisalerpoq. Tassani najoqqutarineqarput Akileraartarnermut Aqutsisoqarfimmut nalunaarutigineqarsimasut.

Innarluutillit

2020-mi siullermeerluni innarluutilinnut inatsit malillugu ikorfartorneqarsimasut naatsorsorneqarsinnaalerput. Paasissutissat atorineqartut Isumaginninnermut, Ilaqutariinnut Inatsisinillu Atuutsitsinnermut Naalakkersuisoqarfiup kommuninit, nalunaarusiap “Inuit annertuumik innarluutillit 2020” saqqummersinneqarnissaanut atugassatut, katersaraat.

Nunarsuarmi anguniakkat

Naatsorsueqqissaartarfiup nunarsuarmi anguniakkanut paasissutissat tulluurtut Naatsorsueqqissaartarfiup nittartagaani www.stat.gl-imi 2020-mi pilersinneqarput.

Naatsorsueqqissaartarfiup nunarsuarmi anguniakkanut kisitsisitigut paasissutissiai atoruminartuupput, anguniakkat tamarmiusut

ilanngunneqarsimallutik. Kisitsisit taakkununnga atorneqartut Naatsorsueqqissaartarfimmeersuupput ilaatigut allaneersuullutik tamarmilli Naatsorsueqqissaartarfiup kisitsisaataasiviatigut saqqummersinneqartarput.

Naatsorsueqqissaartarfiup nunarsuarmi anguniakkanut paasissutissaataat taakku pillugit suliaqarniartunut tamanut saaffiginnipput. Assersuutigalugu Naalakkersuisunit, kommuninit, suliffeqarfinnit, peqatigiiffinnit allaniillu suliaqartut sulerusissamik suliaqarnerminnut pisariaqartitaminnik kisitsisitigut paasissutissanik aallersinnaapput.

Paasissutissat immikkuualuttut pillugit uppersaasioorneq

Inuit pillugit kisitsisitigut paasissutissiortarnermut tunngasut pillugit immikkuualuttunik paasissutissat uppersaasiortarlugit maanna Naatsorsueqqissaartarfik suliaqarpoq. Kisitsisaataasivimmi (<https://bank.stat.gl/pxweb/da/GSmicro/>) paasissutissat immikkuullarissut ilaat nassuiarneqarneri naatsorsorneqarnerilu pissarsiaasaareerput. Nassuiaatit ataavartumik ineriartortinneqarput, inuit pillugit kisitsisitigut paasissutissat tamarmik nassuiaasioorneqarnissaat anguneqassasoq naatsorsuutaavoq.

Taamatut saqqummiussineq nunani avannarlerni NordMan projektumut suleqataanerup kingunerivaa, taanna Nordforsk-imit aningaasalerneqarpoq. Naatsorsueqqissaartarfimmit ilisimatusartut pillugit aqqissuusaq aqutugalugu, paasissutissat immikkuualuttut uppersaasiorterata, ilisimatusartut ajornanninnerusumik itisiliisinnaalernissaat siunertaarivaa.

2.2 Naatsorsueqqissaarnermik paasissutissiisarneq

Qarasaasiat atorlugit paasissutissiisarneq

Naatsorsueqqissaartarfiup siammarterinera qarasaasiatigut pinerusarpoq. Qarasaasiakkut paasissutissiisarneq akikinneruvoq, sukkanerulluni aammalu tiguisartut assigiinngitsut pisariaqartitaat naapertorlugit allannortikkuminarluni.

Nittartakkami tusagassiutinut nalunaarutit, saqqummersitat, immikkut saqqummersitat, ukiumoortumik kisitsisitigut paasissutissat aamma kisitsisaataasivik ataatsimoortillugit takuneqarsinnaanerata neqeroortigineqarpoq. Nittartagaq kalaallisut qallunaatullu allagaavoq, immikkoortulli pingaarnertit tuluttut nutserneqarnikuupput.

Kisitsisaataasiviup programmia novembarimi 2020-mi nutaanerpaamut nutartigaavoq.

Saqqummersitat

Kalaallit Nunaanni Naatsorsueqqissaartarfimmit saqqummersinneqartartut tamarmik akeqanngillat nittartakkamiillu aaneqarsinnaallutik. 2020-mi Naatsorsueqqissaartarfik 120-nik saqqummersitsivoq. Saqqummersitat 91 pct.-ii piffissaq eqqorlugu saqqummersinneqarput, 2019-imi 83 pct.-it piffissaq eqqorlugu saqqummersinneqartut. 2018-imi saqqummersitsinissaagaluit kinguaattoortut ingasattumik amerlapput,

tamaanna pissuteqarpoq Mittarfeqarfiup IT-mik ajoquteqarnera taamaasilluni timmisartunut ilaasut pillugit kisitsisit aatsaat 2019-imi saqqummersinneqarlutik.

Takussutissiaq 2. Piffissaq eqqorlugu 2015-imit 2020-mut saqqummiussisarneq

	Saqqummersitat amerlassusaat					
	2015	2016	2017	2018	2019	2020
Piffissaq eqqorlugu saqqummertut	66	84	81	82	93	109
Sap. ak. angullugu kinguaattoorlutik saqqummertut	2	2	2	5	7	6
Qaammat ataaseq angullugu kinguaattoorlutik saqqummertut	1	7	13	11	4	4
Qaammat ataaseq sinnerlugu kinguaattoorlutik saqqummertut	1	5	4	7	5	1
Ukiup tullianut kinguartinneqartut taamaatiinneqartulluunniit	0	1	4	18	3	0
Katillugit	70	99	104	123	112	120

Malugiuk: qaammammut saqqummersinneqartartoq "Aalisakkat avammut tunisaanerat" 2020-mi saqqummersinneqartussatut naatsorsuutaasimangikkaluarpoq, taakku 2020-mi saqqummersinneqartussatut ilanngunneqarput.

2015-imi 2016-imilu saqqummersinneqartartut amerlatserujussuarnerinut pissutaapput, ukiumut ataasiarluni saqqummersinneqartartut qaammatikkaarlugit imaluunniit kvartalikkaarlugit saqqummersinneqartaleri. 2016-imi ukununga tunngasut qaammatikkaarlugit saqqummersinneqartalerput; takornariat, suliffeqarnermi pissutsit aamma aalisarneq.

Kisitsisaataasivik

Saqqummersitanut atatillugu paasissutissat immikkoortiterluagaanerusut Kisitsisaataasivimmi tabelini nassaassaapput. Naatsorsueqqissaartarfiup nittartagaa aqutigalugu imaluunniit <https://bank.stat.gl> toqqaannartumik iserfigalugu kisitsisaataasivimmut isertoqarsinnaavoq. Kisitsisaataasivimmik atuisut tabelit assigiinngitsut 470-it 2021-mi marsimi atorsinnaavaat ukiup siuliani tabelit 408-upput. 470-it akornanni 135-t tabelit toqqortaapput nutarterneqassaarnikut, nalinginnaasumillu tabelinik allanik taarsigaasimasarlutik.

Kisitsisaataasivimmi kisitsisaatigineqartut aaneqarsinnaapput atuisullu namminneq programiutaanni imaluunniit periarfissat allat kisitsisaataasiviup atuisunut qppersagaaniittut atorlugit suliarineqarsinnaapput.

2020-mi ukiakkut nittartakkap allanngortinneqarnerata kingorna kisitsisaataasivimmut aallernerit immikkoortunut immikkoortillugit naatsorsorneqarsinnaaleqiipput. Takussutissiami ataaniittumi novembari 2020-miit marsi 2021-mut kisitsisaataasivimmut aallernerit naatsorsornerat takuneqarsinnaavoq.

Takussutissiaq 3. Kisitsisaataasivimmut aallernerit, novembari 2020 – marsi 2021

Katillugit	23.083
Suliffeqarnermi pissutsit	2.076
Innuttaasut	7.692
Ineqarneq	164
Nukissiuuteqarneq	434
Inuussutissarsiorneq	314
Aalisarneq piniarnerlu	1.523
Kalaallit Danmarkimi najugallit	373
Isertitat	1.327
Aningaasaqarnikkut pissutsit	130
Pinerluuteqarsimasut pillugit kisitsisit	412
Nuna tamakkerlugu naatsorsuutit	772
Inuit aqqi	307
Pisortat aningaasaataat	550
Akit	639
Isumaginninnermut tunngasut	731
Ukiumoortumik paasissutissat	44
Peqqissutsimut tunngasut	1.091
Tupa imigassarlu aalakoornartulik	214
Takornariaqarneq	1.366
Ilinniartitaaneq	2.397
Nunanik allanik niueqateqarneq	527

Oqalugiariartortarneq

2020-mi Naatsorsueqqissaartarfimmit ilinniartunut marloriarluni ilisimatusarfimmut oqalugiartortoqarpoq. Inuussutissarsiornermik angaasaqarnermik ilisimatusartunut nalinginnaanerusumik Naatsorsueqqissaartarfik ilisaritinneqarluni aamma Ph.d-nngorniarluni ilinniartunut ilisimatusarnissamut periarfissanut tunngasumik saqqummiussiffineqarlutik.

Facebook

Kalaallit Nunaanni Naatsorsueqqissaartarfik 2014-imi Facebookimi atuisunngorpoq. Atuisunngornerup siunertarivaa Kalaallit Nunaanni Naatsorsueqqissaartarfimmit nutaarsiassat inunnut amerlanerusunut apuuttarnissaat. 2021-mi marsimi Facebookimi 1.062-inik malinnaasoqarpoq ukiup siuliani 959-inik malinnaasoqartoq.

API

Kisitsisaataasivimmi paasissutissat API-nngorlugit (application programming interface) paasissutissiisartunit allanit pissarsiassaapput. Paasissutissat Kisitsisaataasivimmeersut aaneqarsinnaapput programminilu atoqqinneqarsinnaallutik, soorlu mobiilini appini, nittartakkani saqqummiissutini aalajangersimasuni allanilu. Takornariaqarnermut kisitsisitigut paasissutissat www.tourismstat.gl-imiittut Visit Greenlandip atortagai Kisitsisaataasivik nutarteraangat ingerlaannaq aaneqartarput.

Kalaallit Nunaanni Naatsorsueqqissaartarfiup assilersukkanik saqqummiussinissamut periarfissat nammineerluni atortarsimavai. Taassuma saniatigut programkode nittartakkamut atorneqartartoq

Naatsorsueqqissaartarfiup avataaniittunut soqutiginnittunut akeqanngitsumik pissarsiassanngortinneqarnikuuvoq.

Nittartagaq

2020-mi nittartagaq aamma kisitsisaataasivik qarasaasianut nutaannut nuunneqarput, ineriartortitsinermut atugassaq, misileraanernut atugassaq aamma nittartakkamut atugassaq immikkoortinneqarlutik.

Novembarimi 2020-mi kisitsisaataasivik nutaanerusoq atulerpoq. Kisitsisaataasivik nutaaq amerlanerusunik periarfissaqarpoq, nittartakkami saqqummersinneqartunit ataavartumik allerfigineqarsinnaanera ajornanninnerluni. Assersuutigalugu 'apeqqutit toqqortat' maanna oqaatsinit pingasuusunit (kalaallisut, qallunaatut tuluttullu) atorneqarsinnaalerpoq ajornanngitsumik, siusinnerusukkuq oqaatsit atorneqartut tamarmik immikkut toqqorsivigineqartariaqaraluartut.

2020-p ingerlanerani kisitsisaataasivimmi periarfissat nutaat nittartakkami atuutilerput. Nittartakkami nutaami uku immikkut sammineqarput 1) ujarlersinnaaneq, atuisoq allalluni nittartakkami ujarlernissaminut periarfissaqalerpoq aamma 2) saqqummertussanut ullorsit.

Nittartakkamut ilanngunneqarsinnaalerput saqqummersitat assersuutigalugu R-imik suliat, taakkulu nammineerlutik nutartersinnaanngorlugit suliarineqarput. Periuseq taanna nunarsuarmi anguniakkat pillugit suliame aamma tabelinik katersanut atorneqarpoq. Tabelit katersat atorlugit kisitsisit atorneqarnerpaasartut takulertorneqarsinnaapput, tabelit katersat kisitsisaataasivimmik atuinissamut akunnattoortut atorluarsinnaavaat.

2.3 Aningaasatigut isumalluutit

Siulersuisut sulianut pilersaarusiamek aalajangersaasarpoq, taannalu aningaasaliissutinik ukiumoortumik aningaasanut inatsit aqutigalugu tunniunneqartunit suliassanillu suliakkiissutaasunit isertitanit aningaasalersorneqarpoq.

2020-imi aningaasaliissutit 10.050 t.kr.-imiipput, immikkut tapiliussat 1.200 t.kr.-t ilanngullugit. Naatsorsuinerup inernerata takutippaa aningaasat atukkat 325 t.kr.-nik ikinnerusimasut.

2020-mi aningaasanut atuinikillineq annermik angalanernut (sulisunut aningaasartuutit), siunnersortit (avataaneersut) aamma sulinermut aningaasartuutit aningaasarsianut atuneq annikilleriannngilaq.

2020-mut naatsorsuutit ukiup siulianit nuuttanik (sinneqartoortuutaasimasunik) 1.005 t.kr.-inik ilaqarput.

2019-imi Namminersorlutik Oqartussat kontoplan nutaaq atulerpaat. 2019-imut aamma 2020-mut naatsorsuutit ataaniittut kontoplani nutaaq malillugu suliapput.

Takussutissiaq 4. Naatsorsuutit inernerit 2019-2020

Art	Konto aqqa	2020	2019
2101	Tunisineq	-934	-1.023
22xx	Akissarsiat (Siulersuisunut akissarsiat ilanngullugit)	10.034	9.071
2205	Atorfinittunut atorfeqarunnaartunullu aningaasartuutit	80	19
2206	Pikkorissartitsinermut aningaasartuutit	2	37
2207	Sulisunut aningaasartuutit allat	62	502
2208	Nioqqutissanik pisinermut aningaasartuutit	115	89
2209	Kiffartuussinernik pisinermut aningaasartuutit	69	183
2210	Ineqarnermut aningaasartuutit	50	0
2212	IT aamma attaveqatigiinneq	152	196
2213	llassinnineq	0	9
2214	Avataanit ikiorneqarnermut aningaasartuutit	66	269
3201	Pigjsat	5	136
3401	Aningaasaliissutit	0	11
3901	Ukiut akornanni nuussinerit	23	-80
		9.725	9.419

2.4 Sulisoqarneq

2021-p aallartinnerani sulisut

Januaarip aallaqqaataani 2021-mi sulisut 11-upput tassaasut: Pisortaq, pisortap tullersortaa, kisitsisitigut paasissutissanut siunnersortit aqqanillit, paasissutissiisartut marluk, allaffimmioq ataaseq piffissap ilaa Naatsorsueqqissaartarfimmi sulisartoq. Sulisut akornanni kisitsisitigut paasissutissanut siunnersorti ataaseq, ilinniarluni ikiorti aamma allaffimmioq 2020-p ingerlanerani sulilerput. 2020-p ingerlanerani allaffimmioq suliunnaarpoq kisitsisitigut paasissutissanut siunnersorti ataaseq piffissap ilaannaa sulisalerluni.